

四庫全書

子部

欽定四庫全書

萬姓統譜卷二十六

明 凌迪知 撰

上平聲

十五山

顏魯國商音魯伯禽支庶食采於顏以邑為氏又望出琅瑯

周 顏丁善居喪見禮記

顏無繇魯人孔子弟子始教而授學焉後世累封曲阜侯

顏回字子淵無繇子孔子弟子天資明睿聞一知十居十哲之首年二十九髮盡白三十二而卒孔

子哭之慟曰天喪予歷代累封充國復聖公首配孔子廟庭本朝官其後為翰林院五經博士

顏之僕

魯人孔子弟子銳志尊道後世追封兗句侯

顏高

魯人孔子弟子得其微言後世追封雷澤侯

顏噲

魯人孔子弟子志存正大後世追封高唐侯

顏闔

得道之人守陋閭魯君遣使致幣闔不答

顏叔子

晉人獨處夜風雨鄰媵婦屋壞投叔子不納婦曰子非柳下惠乎姬不建門之女國人不

稱其亂叔子曰在柳下惠則可吾固則不可吾將吾之不可學柳下惠之可婦哀求叔令執燭

讀書燭盡破屋

以績至明不二

顏辛

魯人孔子弟子學業有就後世累封陽穀侯

顏觸

齊人戰國時隱居不仕嘗言有處窮方其闕有四味一曰無事以當貴二曰早寢以當闕三曰

安步以當車四曰晚食以當肉東坡云若此可謂巧于處窮矣

顏息

魯人侵齊射人中眉退曰我無勇吾志其目也

漢顏

關會稽人孝父亡負土成墳羣烏銜土助之其吻皆傷因以名縣

顏良

新河人少聰敏才氣宏遠比壯驍勇善謀為鄉老所推漢末為袁紹將屢有戰功後為關羽所

刺

顏驥

龐眉皓髮為郎漢武輦過郎署問何其老也駟曰文帝好文臣好武景帝好美臣貌醜陛下好

少臣已老是以三棄
不遇上拜為都尉

顏安樂

字公孫魯國薛人家貧好學官至齊郡太守
丞俊為仇家所殺安樂投淮陽冷豐次君淄

川任公由是顏
家有冷任之學

三國

顏斐
字文林有才學魏黃初時為京兆太守
治身清白風化大行稱為良二千石

晉

顏含
字弘都少有操行以孝聞累遷侍中除吳郡太
守簡而有恩明而能斷以威御下王導歎曰顏

公在事吳
人斂手矣

南

顏延之
字延年臨沂人文章冠絕當時任宋官至
太常延之與謝靈運齊名時稱為顏謝

顏髦

字君道顏子二十八代孫惇學行父喪在殯隣
家失火髦與二弟謙約抱棺叫號燹焰垂至忽

兩頓絕時人以為孝感歷太尉至黃門侍郎卒諡曰定

顏見遠

博學有志行仕南齊為御史中丞及梁武帝受禪見遠發憤不食數日而卒帝因嘆曰我

自應天從人何預天下之士大夫而見遠乃至於此

顏協

字子和臨沂人顏子三十四世孫少關博涉羣書工於草隸飛白不求顯達

徵辟

僅為梁湘東王記室而已

顏晁

臨沂人好學有辭采下筆立成介然關所知任梁入陳累遷散騎常侍中

贈司世

農卿諡曰貞子

顏竣

字士遜延之子孝武時轉吏部尚書領驍騎將軍留心選舉任遇既隆奏無不可後謝莊代竣

領選意多不行峻容貌嚴毅莊重風度端凝宿客喧訢嘗歡笑荅之人言顏峻曠而與人官謝

莊笑而不與人官

顏之推

字子分協之子博識才辨當待詔文林館遷散騎侍郎齊亡入周為御史上士開皇中召

為文學深見禮重尋以疾終有文集三十卷家訓二十篇並傳於世

顏之儀

字子升協之子博涉羣書周世宗以為麟趾學士宣帝時進爵為公犯顏驟諫為帝所忌

然以東宮恩舊每優容之帝崩劉昉等矯遺詔以隋文帝為丞相輔少主之儀拒弗從昉等知不可奪代署而行之隋文俊索符璽之儀正色曰此天子之物自有主者宰相何故索之隋文即位拜集州刺史以見危授命臨大節而不可奪稱之

唐顏孝初

永春人力學起家嘉祐中第進士初廷對有陞黜孝初凡兩中南官以文名世尤長於詩

人爭誦之

官秘書

顏頤

字仁純魯公真知兄子常熱令顯之弟

顏思魯

字孔歸顏子三十六世孫博學善屬文尤工詁訓與劉臻論經義臻屈服焉歷北齊衛府

丞軍隋秘書校書郎唐師入關拜秦府記室

顏師古

諱籀瑯琊臨沂人顏子三十七世孫性簡峭視輦行傲然唐初為秘書監校定經史註班

固西漢書修五禮進子爵銀青光祿大夫弘文館學士時人稱顏秘書

顏相時

師古弟為瀛州學士通儒高行以學聞諫議有爭臣風師古死不勝哀而卒次弟勤禮亦

為弘文館學士

顏元孫

字韋修顏子三十九世孫年十歲試石榴賦立就嗣聖初舉進士歷官太子舍人玄宗出

諸家書跡數千卷令定真偽元孫分別以進玄宗忻悅遷滁州刺史終朝散大夫上柱國

子杲

卿

顏春卿

師古五世孫個儻通世務年十六舉明經調犀涇主簿嘗送徒于州亡其籍至廷口記物

色凡千人轉

蜀郡長史

顏杲卿

字昕之春卿弟為常山太守安祿山反杲卿起兵討賊河北諸郡響應已而賊將引兵至

城下杲卿舉兵繞八日以守城未備而陷賊將執至洛陽殺之杲卿罵不絕口顏氏死者三十

人

顏真卿

字清臣，果州從弟，博學工詩，事親以孝聞。舉進士，累官平原太守、安祿山反，河朔盡陷，惟

平原城守，具備事聞。玄宗曰：朕不識真卿，何如人所為？乃若此。累遷尚書右丞。李希烈陷汝州，

朝廷遣真卿往，輸之不屈，被害。

顏顥

魯公真卿兄子，為常熟令，其子度居崑山。登紹興國學進士第，以文章政事名一時。

顏標

寒峻士也。唐咸通中，鄭薰主試，錯認為魯公之後，以為狀元，無名子嘲之云：主司頭腦，特冬烘。

錯認顏標
作魯公

顏允南

字去惑，顏子四十大孫，開元間，歷國子司業、正議大夫、弟允臧，歷監察御史。

顏允臧

字季寧允南弟歷太康尉舉延昌令與監察御史真卿各樹能名出為櫟陽令時錄事有

奸犯者允臧立撈殺之豪強
憊恐遷侍御史兼太子中允

顏泉明

彭州長史家貧居官廡而孤藐
相從百口飯粥不給無愠色

顏游秦

武德初為廡州刺史撫恤境內禮讓興行人
歌之曰廡州顏有道性行同莊老愛人如赤

子不殺非時草高
祖以璽書勉之

五代顏衍

顏子從梁進士歷官簿令皆有政績入晉知沂
州聞父有風痺疾即棄官歸召為工部郎中累

轉御史中丞後歸宋
官至兵部尚書致仕

宋顏太初

彭城人顏子四十七世孫少博學有雋才慷
慨好義為詩多譏切時事孔聖祐卒罷龍封

太初作詩以諷在位遂以聖祐弟襲封文宣公
復中進士累官國子監說書所著有深南子鬼

繹集及淳耀聯英
子復為奉議郎

顏方

字正夫丹陽人至和四年以進士令邑事下車
視事日召父老詢民間利病民有善者勸之惡
者戒之建學率子弟之秀者教之親為講解誘
掖使進逾年政成士民悅服方有疾民為祈禱
者以千計及卒百姓悲號
如喪考妣相與立祠祀之

顏唐臣

龍溪巨族里有綠石渡潮平可舟潮退則淤
潭行者病馬唐臣乃於北涯墾土填淤鞭石
為隄從地跨石長二千七百八十尺垂虹亭以
憇涉者子敏若復築南堤至新亭凡一千九百
尺歲久淤深孫戴復砌石增高行者便之昔嘗
有詠云渡不難待三顏闕也里人為之立

祠

顏復

字長道，顏子四十八世孫。父太初，以名儒為國子直講。嘉祐中，訪遺逸之士京東，以復言，詔賜

進士，知永康縣。元祐

中，累官至國子祭酒。

顏岐

復子，字夷仲，嘗從呂榮公學。呂居仁為濟陰主簿時，夷仲適在曹南，嘗贈居仁詩云：「念昔從學

日，同升夫子堂。夫子蓋謂榮陽公也。居仁罷官歸，作詩留別夷仲云：「昔日同升夫子堂，如今俱

是鬢，倉浪蓋用其語也。」岐

建炎中，累官至門下侍郎。

顏復之

字子開，淳祐進士，補大學錄。貌古，寡不苟，嘗笑葉侍郎薦十賢於朝，復之其一也。

顏師魯

字幾聖，龍溪人。紹興中，進士累官監察御史。遇事進言，無所阿，抗擢國子祭酒，規約率以

身先遷吏部尚書兼侍講後以龍圖閣直學士
兩知泉州泉人德之塑像以祀卒謚定肅孫熙

仲亦官至
吏部尚書

顏徹

字叔介師魯子警敏力學尚志節父奇之每奏
疏必與討論以茂才辟授南外睦宗院宰永福

多歷外任有政聲丞相謝深甫等薦士三十
五人徹預焉官至奉議郎累贈光祿大夫

顏耆仲

徹子字景英與弟頤仲齊名俱蒙顯擢更迭
中外天下稱儒學政事者必曰二顏耆仲太

府少卿頤仲直
秘閣京兆尹

顏振仲

徹子字景玉用祖澤補登任郎宰安溪邑釋
寃獄以神稱倅蒲陽篤意學校藉廢田以贍

學徒飛雄軍噪于市振仲親出
撫諭皆拜而去官至朝散郎

顏慥

龍溪人以德行文章名世與蔡衷為金石交請書西湖白蓮院裏為郡幕與慥倡和頗多慶歷

中辟為本

州教授

顏鉞

歷仕多在海外以安黎蠻有功就改京秩海外之民以爺呼之

顏棫

字叔堅永春人淳熙中召除國子正出知池州累遷中書舍人兼直學士院訓詞雅麗有體外

夷敬慕進吏部尚書

子宗老虞老皆登第

顏楮

字養正楮從弟由永春徙晉江以太學生登開禧元年第歷藤州教授會昌南海南康令通判

循州知梅州寇陳三槍萬眾逼梅城四十二日楮激厲將士分隅拒守又合蛋船布水陣擡矢

射去賊遁去帥垣

上其功會病卒

顏度

字魯子充公五十三世孫居崑山以文章政事名一時歷臨海令民有去思拜監察御史歷秘

閣修撰孝宗時度每出一言不動如山因以如山自號

顏公衮

字鵠御龍溪人以父澤補官紹定間興寧令時強寇陳三鎗羅動天迫境公衮出與遇下

車諭以禮義賊怒不聽公衮厲聲罵賊被執死之詔贈朝奉郎

元

顏瑜

字德御曲阜人顏子之後以行誼薦為鄒縣教諭至正中山東盜起瑜携家走郟城道遇賊知

其為書生使之寫旗瑜罵曰爾為叛賊我豈為爾寫旗賊刺殺之妻子皆遇害

明

顏琇

字季栗吳人洪武初父戍鳳翔母從行母卒琇踰數千里函骨歸未嘗着地行則負之寢則懸

於屋梁渡則著之心曾父死飲食不下咽越五日竟哭死

顏師勝

興化人由人材知四川峨眉縣洪武間苗賊嘯聚攻城師勝與賊三戰三捷追賊被刺而

死事聞

贈官

顏賢

萬安人洪武初泉州府司獄性溫良而果毅郡人翁彥立繫獄通判胡釗以私憾囊沙將壓之

賢正色曰彼罪未至死不敢開命彥立獲免有卓六秀者與其黨八人皆重罪而獄未成一夕獄隣火郡守欲誣以囚火反獄將盡殺之賢力拒曰囚非反獄豈可誣之獄之未成豈可殺之守慚而退獄囚貧餓者給以食每重囚引決必詣賢謝而去時稱能舉其職

顏伯瑋

名瓌以字行廬陵人聰敏介直能文章建文元年以賢良徵授沛縣知縣北平兵起掠濟

寧浙兵過沛沛人竄匿伯瑋設法招徠北平兵攻沛援兵不至度不能支令子有為還曰汝歸

白大人子職弗克盡矣題詩察院壁曰太守諸公鑒此情只因國難未能平丹心不改人臣節青史誰書縣令名一木豈能支大厦三軍空擬築長城北平兵入東門指揮王顯迎降伯瑋冠帶陞堂再拜慟哭曰臣無能報國遂自縊死有為不忍舍去復還見父屍遂自刎以從

顏寶

字太和龍溪人永樂進士授四會知縣溫厚公正寬猛得宜奏除詭名糧九百餘石復中除鄉民鹽鈔一十二萬餘貫尤篤意學校為新其廟宇至于橋梁圩岸之屬亦悉意繕治藩臬郡守交章論薦稱爲嶺南獨步遷秩而去邑人慕之歷刑部郎中

顏宗

字學淵南海人永樂癸卯舉於鄉仕福建邵武知縣爲政平易性悌以救荒憫旱爲先

顏澤

字澤民江陰人永樂壬辰登進士第累官布政司左叅政孫瑄亦舉進士

顏彪

淮安鹽城人任真定衛指揮同知正統己巳冬薦陞署都指揮僉事守備倒馬尋實授指揮僉

事充右叅將分守十八

盤有勇有為克著邊蹟

顏頤壽

字天和巴陵人弘治進士授知縣拜監察御史赫然有激揚聲歷陞光祿大理卿獄獄平

允進都御史正德己卯宸濠謀為不軌副使胡

世寧發其奸上命駙馬都尉崔元偕頤壽往

處未至即舉兵反因會師紀功闕竣還京恭遇

世宗登極遷刑部侍郎陟南京禮部尚書進左

都御史尋改

刑部尚書

顏木

字惟喬隨州人正德進士知許州以薦調亳州懲武人石氏之肆坐中傷免性嗜書善考索文

思精動有所屬縱輒喜怪奇尊宗左氏春秋時

作公毅語一時文士多稱之晚始為詩近體得

唐人意退居馬坪二十年日吟誦不輟
所著有家政州七禮解選詩評燼餘藁

顏階

字德升龍溪人正德中以舉人署香山教諭莊
重醇雅克端師範士咸樂然向風嘉靖初徵脩

實錄歷陞工部員外郎謹言慎行
為人謀務盡忠告遇事劾裁曲當

山

河南商音周山師掌山林之官以
官為氏風俗通云列山氏之後

周

山祁

晉大夫

漢

山昱

武郡太守

山冰

黃門令與太傅
陳蕃同坐黨

山千秋

上饒人

晉山濤

字巨源，河內懷人。器量不羣，少與阮籍為竹林友。武帝朝，為吏部尚書，甄拔人物，各為題目。時

稱山公啟事累官，至尚書僕射，加侍中。初，伐吳，濤曰：「自非聖人，外寧必有內憂。」釋吳以為外懼

不亦美乎？人

服其遠識。

山簡

字季倫，濤子。性溫雅，有父風。仕為征南將軍鎮襄陽，每出遊習家池，上置酒輒醉而歸，名之曰

高陽池。時有童兒歌以嘲

之子，遐仕至東陽太守。

山謨

字季長，濤子。明慧有才志，官至司空。兄該，兵州刺史。淳允奉車都尉。

山遐

簡子，字彥林。為餘姚令。時江左初基法禁寬弛，豪族多挾藏戶口，以為私遐。繩以峻法，在縣八

旬，出口萬餘。建元中，為東陽太守。康闕嘗聞病其獄囚太多，遐處之，自若。郡境肅然。

山偉

字仲才涉獵文史路逢卜尼望之數曰君方近天子當作好官

南山謙之

撰吳興統紀十卷分吳會丹陽三都三卷

唐山渾

侍唐中宗宴惟誦鹿鳴蟋蟀二章上嘉其直賜服一稱

山約

山陰令

山玄卿

名不傳世唐時有夢人遺新宮銘者題曰新宮宏又崇軒闕又末曰紫陽真人山玄卿撰

五代山行章

攝守眉州郡無羅城行章合五縣之力城之迫宋淳化中李順之亂攻圍半載不能下行

章之績

益彰

宋山說

登科

山悰

桂陽王
鏞侍讀

山穉瓌

領軍暢
當駝將

山錫之

明
蘇州人洪武初知縣事改創縣治
及學舍公宇煥然一新至今賴焉

山青

徐州人涉古今知大義沈毅有勇略為燕山護
衛百戶永樂初以從軍功累官右軍都督僉事

山雲

徐州人永樂中以指揮從征累功陞都督僉事
宣德正統充平蠻將軍鎮廣西累官都督同知

卒贈懷遠伯謚襄毅雲沉毅不洩用兵如神廣
正自持淡然儒素甘苦與卒共之臨戰人皆出

死力及其卒也廣西之
人皆為立祠歲時祭之

山秀

仁和人正統中
任淮陽縣丞

山浩

字文淵，邠人。天順中舉人，敦厚朴茂，不事修飾，貧而誦習，無間寒暑，任為平陽通判。

山禹

吳縣人，嘉靖丙午舉人，任府同知。

班

扶陽徵音，楚叔敖孫，令尹子文為虎乳，楚人謂虎班，其子名闞，班因氏。

周班壹

秦人，避地樓煩，生孺孺，生長長生，稚稚生彪，班固之父也。

漢

班稚

安陵人，哀帝時為廣平太守。

班彪

稚子，祖說，越騎都尉彪，沉重好古，初事竇融，勸融歸漢，光武初舉茂才，拜徐令，所著賦論奏事

凡九

篇

班固

彪長子，九歲能文，及長博習載籍，明帝時典校秘書，績成父所著西漢書，及作兩都賦與頌記。

九若
干卷

班超

固弟少有大志家貧傭書養母嘗投筆歎曰大丈夫當立功異域以取封侯安能久事筆硯間乎明章兩朝出征西域安集五十餘國封定遠侯子勇有父風章帝時為軍司馬

班伯

元成間為定襄太守郡中稱為神明入為侍中

班嗣修

儒學尤貴老莊桓生借其書嗣報曰若莊子者絕聖棄智修生保真漁釣于一壑栖遲於十邱不結聖人之網不覲騷君之餌

吟子既繫攀于世教何用大道為

班旂

博學舉賢良擢諫議大夫與劉向校書

唐班宏

衛州人天寶中進士累官刑部侍郎京官考清潔勤力晨入官署夕而出吏不堪其勞而已益

恭德宗以其熟天

下計進位尚書

班景倩

入為大理少卿過大梁刺史倪若水餞之行立望其行塵久之乃返謂官屬曰班生此行

何異

登仙

班肅

貞元中高郢知貢舉擢肅第一柳子有送歸序

宋

班絢

雍熙登科

元

班恕

字惟忠至元間魚勸農田尹能詩文揮翰

明

班言

臨淄人母卒欲廬墓壓于父不克終志及父卒遂廬墓側三年歲早邑中獨雨人或以為班氏

之所

北云

班周吉

延津人洪武初
為刑部尚書

班平

西安人洪武初
任廣東右叅議

班子超

汝陽人永
樂舉人

關

隴西商音夏桀大夫關龍逢之後又尹
喜為關吏亦以官為氏又望出東海

周

關龍逢

以諫桀而死相
傳為今安邑人

漢

關敞

諫大
夫

三國
關羽

字雲長解人事蜀先主稱萬人敵拜前將軍假
節鉞威震華夏為世虎臣嘗刺顏良報效曹公

有國士風死為神
二子平興亦知名

南關朗

字子明北魏人太和末王虬穆公封晉陽朗為公府記室與談易虬曰天下奇才也文中子有

關朗

篇

關康之

字伯愉河東人性清約獨處一室希與妻子相見不通賓客徵辟一無所就弟子以業傳

授尤善左氏春秋

高帝絕愛賞之

關人才

中書舍人

關播

字務先汲人舉進士為滁州刺史有善政關綰皆善之引為都官員外郎德宗問政治之要播

對稱旨累遷平章政

事以太子少師致仕

宋

關魯

以進士起家盡力於官歷守池治兩州為尚書郎年八十歸老錢塘陳襄作鴻飛詩送之八子

景茶景元景仁希聲杞景山景宣景良皆學行
修立以進士同升者五人後相繼第進士又三
人景元能其官景仁字彥長性多能鍾律歷數
草隸圖畫無所不學尤長於詩四子解淳演注

皆舉

進士

關治

字淵聖杭人登元祐三年進士隱士孔夷嘗有
贈淵聖學士詩云吳越聲飛二十年緇衣空復
歎遺編紫芝眉宇風塵外太白文章錦繡前可
是石渠方載筆末應水國要歸田他時雪裏相
逢處能記騎驢孟浩然夷字方平號泚皐先生
劉攽韓維之畏友其稱治如此則治之才望可
知

關注

字子東世為錢塘人登紹興五年進士第嘗教
授湖州與胡瑗之孫滌袁瑗遺書得易解中庸

義藏之學官又錄瑗言行為一帙江藻為之序
官至太學博士辛注號香嚴居士有闕博士集

卷二十

闕景仁

字彥長會稽人治平五年以進士知豐縣
嘗改作鳧鷖亭為宴遊之所有詩咏其事

闕應庚

不知何許人度宗時為孝感縣丞咸淳九年
上書言邊防二十事尋奉詔授武當軍節度

推官兼司法

京湖制司

闕詠

知泉州監市舶為市卒
沒其價詠一無所與

元闕玉

字子玉行唐人中統三年調曲陽令為民興利
革弊嘗春行省耕馬逸啣民乘計直以償之螟

災乃精禱祠信宿螟死尋改高陽令百姓請留
不從至則治聲益振至元中改葉城以疾卒兩

邑丈民咸
哀慕之

關珍

定州人性資溫淑見義勇為子政仕至提領益性純直好學不倦由是博極羣書為一時儒者

重所

明
關敏

南海人本朝初王師嶺南全城歸附授巡檢後為餘寇攻陷舉家二十口皆被害事聞贈兵馬

指揮命有司
立廟歲祭

關可成

歸善人洪武十九年貢入太學拜監察御史言事調知寧德縣愛民禮士守已奉公擢湖

廣僉
事

關秉彛

高明人洪武舉人
廣西古田知縣

關忠

魏縣人成化初知枝江縣有善政揚都御史特
檄獎之有心懸報主政養民之語其廉介仁恕

足稱循吏後陞

任去民弗忍忘

關銓

字子衡清溪人由吏員歷官至浙江理問四十
餘年清操一節凡有餽囑即拒之曰此枉法枉

法不可為時人反號為關囑即拒之曰此枉法枉

知其號當道屢獎後解浙銀至京師卒訃至浙

官囊如洗

物論惜之

關碍

字景儀霏人正統
進士歷按察使

關宗

南宮人景泰舉
人光祿少卿

關學尹

南海人國
子助教

管

音奸趙郡
見姓苑

漢
管禹

管輔

唐

管崇嗣
節度使

明

管時中

湖廣人洪武進
士官至布政使

管谷奇

沅江人洪
武進士

管琪

真縣人宣德進士正
統中任湖廣左布政

管懷理

字一初臨邑
人嘉靖進士

管重

陽信人成化中
鄆西縣訓導

管東生

零陵人萬曆間
成都府通判

管登第

許州人萬曆間
山西澤州同知

蒯

大梁古閭切
又作閭恐非

漢蒯忌

中尉史記
淮南傳

還

周還無社

蕭大夫春秋宣公十二年楚子伐蕭蕭潰無
社因司馬卯號申叔展目於晉井而極之

馱

丘奸切
見姓苑

漢 馱臂 字子弓 江東人
治易見漢書

環 楚有環烈
子孫氏馬

同 環泉 楚人

環淵 楚賢者

漢 環餘 河東太守

環饒 隗囂將

環濟 博士撰要
畧十卷

環安 公孫述將

宋環中紹興中為祕書丞嘗進春秋表沈與求奏其不當先魯後周上曰為人臣而不知尊王之意豈

可置之
三館

環申淮陰人
登科

閒見姓
苑

難見姓
苑

蠻芊姓荆蠻之
後因氏焉

間音閑濟南間氏豪族為郅都所滅又
前漢有宗氏間氏皆長安大豪也

般魯班
之後

麗音類見
直音

萬姓統譜卷二十六

欽定四庫全書

萬姓統譜卷二十七

明 凌迪知 撰

下平聲

一先

先

絳都商音晉先
軫先蔑之後

周先軫

晉人文公時為大夫城濮之役將中軍敗楚師
文公卒秦師伐鄭襄公從先軫之謀敗秦師於

穀子蔑亦為大

夫卒諡曰貞

先且居

軫子襄公以其父死敵命將中軍初文公
之世諸侯朝晉衛不朝襄公謀伐衛先且

居曰效尤禍也請君朝王臣從師晉侯朝王於
溫先且居胥臣伐衛圍齊取之後又敗秦師於

彭
衛

先蔑

襄公卒靈公少晉人欲立長使
先蔑及武子如秦逆公子雍

先克

先穀

子軫

漢
先虞

中
郎

南
先鐵

梁武帝時奉使撫定夷獠立戎
州遂為本州刺史多有勞績

唐
先汪

合江人七歲日誦萬言貞元中舉孝廉尋退居
安樂山講閣
其後宋開慶初有登進士曰先

甲龍者
其裔也

宋

先詔

瀘州人
登科

先伯虎

元祐中任廣
州轉運使

明
先處良

六安人洪武初以謹慎才幹聞於
朝歷官平陽知府卒賜以葬祭

先岳

瀘州人宣
德舉人

先永義

當塗人成化二
年任上杭縣丞

先進

貴州永寧人
正德貢士

錢

彭城徵音顛項曾孫陸終生彭祖
祖孫字為周錢關上士以官為氏

周 錢丹

職國時
隱士

錢產

秦御史
大夫

漢 錢林

字元茂本徐州人漢建平中為諫議大夫元始中王莽專政林遂棄爵來長興隱陂門里不干

名利子孫

因家焉

錢敞

長城人祠
部郎林俊

錢咸

旗門將軍
高密侯

錢讓

字德高咸孫吳郡太守薛同枉下廷尉讓詣朝稱冤被囚怡然自若枉聲彌厲天子奇而赦同

罪官至

富春公

三國錢盛 長興人 廬江太守

錢瑞 長興人 青冀二州刺史 龍驤將軍

錢廣 字敬平 義興郡之長城人 陳敏反 時廣為敏弟 吳廣武將軍 歷陽內史 司馬 周玘密諷廣殺景

與顧榮甘卓等以兵攻敏 獲之未幾卒 贈永世縣侯

晉錢寵 字士驚 東遷縣 閩國侯

錢鳳 歷陽太守

錢迪 太子太傅

錢祥 字公審 伏波將軍

錢岳

字成山步
兵校尉

錢彌

字德盛讓七世孫大司
農輔國將軍豫章縣侯

錢穆

始興
王師

錢端

青州刺史以
上俱長城人

北南

錢道戢 字子韜長城人父任梁漢壽令道戢少以
孝行著聞及長有才幹陳初從文帝平張

彪於會稽以功封永安縣侯天嘉初為始興
內史以討賊功累官都督鄂州刺史卒謚曰

肅

錢逵

字通甫臨安人梁大同中為廬陵王國侍郎羽
林監陳高祖立遷東海太守生九子皆掌郡符

故其地所居之山號九州山見羅隱所為碑記

隋
錢秀卿

長城人太常博士遷
鍾離守伏波將軍

錢璉

太寶間盜起攻城璉
領兵退賊封乘義侯

錢伯仁

字德靖長城人舉
孝廉為散騎常侍

唐
錢九隴

字永業長城人善騎射累官右武衛將軍從
平洛陽佐皇太子建成討劉黑闥有功封郿

國公改巢國卒諡
曰勇陪葬獻陵

錢起

字仲文長興人工於詩天寶中舉進士與郎士
元齊名時語曰前有沈宋後有錢郎大歷十才

子起其一也

錢徽

字蔚章起之子貞元中進士憲宗時嘗切諫毋入無名貢獻後宰相段文昌以所善托求第籍

徽不如所請致貶江州人勸出段私書以自直徽曰苟無愧于心安事辨證即焚其書為庶子

時有遺金二十萬者不納或言非當

路可無拒徽曰取在義不在官也

錢朗

南昌人讀書西山以五經登科任累官至光祿卿文宗朝歸隱廬山得補腦還元之術錢鏐延

致于抗禮之如師玄孫數人皆以明經為縣宰

已皓首矣而朗猶如童子一日與家人曰我適

為上清所召今去矣俄氣絕數日顏色

如生舉棺尸已解去時年一百七十歲

錢鏐

臨安人黃巢亂鏐以鄉兵破走之劉漢宏遣兵屯西陵鏐以八都兵討之遂破越州以奉董昌

而自居於杭反昌反鏐遣人執之歸杭昭宗拜為鎮海鎮東兩軍節度使梁封吳越王傳子文

穆王元璿孫忠獻王仁佐

至忠懿王俶納土于宋

錢文奉

錫孫字庶卿善騎射能上馬逆槩涉獵經史
音律圖籍醫藥皆冠一時歷太尉中書令所

著有賸語

三十卷

五代錢傅瓘

吳越明州刺史有善政及卒
史民感其遺愛為之立祠

錢儼

後唐時温州刺史性簡儉洞曉政術吏不敢欺
置簿書以均徭役民感其忠後移蘇州民有携

家從之者號

曰隨使戶

錢元弼

字德之吳越秀州刺史州初
建元弼蒞政有方以最課稱

錢元懿

字秉輝梁開平間判婺州有異政州每歲三
月大風為怪壞民廬舍元懿至風雨自山南

過人皆異之

錢僊

吳越湖州刺史有妖巫登大樹恣為鬼神語州人驚畏僊曰妖由人興命注弩而射巫果請命

因鞭之州

人咸服

宋

錢俶

字文德臨安人鏐孫趙太祖時來朝賜劔履上殿詔書不名太宗時復來朝留為太師中書令

四十年

錢惟演

字希聖俶子幼有俊才能文章咸平中獻其所為文拜翰林學士仕至兵部尚書樞密使

卒贈侍中

諡文僖

錢億

元瓘之子俶之弟字延世歷事佐俶俶議鑄錢以益將士祿賜億諫有八言其言鑿鑿可行

判明州有善政凡科率舊制悉除之疏諫倣括民丁以益軍旅嘗應和倣民勞逸由君審儉詩因陳諷刺億性俊拔善屬文建隆初奏授奉國節度卒年二十九諡忠憲

錢儼

字誠允少嗜學博涉經史少夢人遺以大硯自是樂為文辭頗敏速富瞻當時國中詞翰多出

其手歸京師日與朝廷文士遊唱詠不絕為世所尚太宗時出判和州

錢惟治

字和世侔子太宗時進檢校太尉一夕廡中火惟治率兵臨高下視令親信十數輩仗劍

申令敢後顧者斬頃之火息

錢惟濟

知成德軍民有偽作白金質取緡錢者其家來告惟濟曰第聲言被盜示以重購質者當

來責餘直即得之矣已而果然

錢易

字希白惟演族子年十七舉進士御試三題日中而就太宗嘗詔蘇易簡曰朕恨不與李白同

時易簡曰有錢易者李白才也後舉進士甲科累遷翰林學士易及其子彥遠明遠孫總族孫

藻並中賢

良方正科

錢時敏

溧陽人少聰慧請書一覽成誦屬文敏速登政和辛卯第擢大理寺丞國有禮制皆令掌

之累官數

文閣待制

錢卽

字中道宜興人吳越王諸孫舉進士累官顯謨閣學士知延安府所至有聲童貫宣撫陝西忠

物備騰踴巖設科條入行均糶法陝西騷然卽上疏極陳其害坐貶永州團練副使後知宣州

以龍圖閣學士

致仕卒謚忠定

錢熙

字大雅南安人博貫羣籍善屬文舉進士嘗獻四夷來王賦太宗愛其材遷殿中丞直史館後

通判明衡抗越州熙負氣善談笑精筆札嘗擬古樂府著雜言十數篇及刑措論為識者所許

有集十卷子蒙

吉亦進士及第

錢若水

字淡成新安人舉進士為同州推官以善決疑獄名聞於朝遂召用久之拜同知樞密院

事真宗即位以親老求

退罷為集賢殿學士

錢守俊

濮州雷澤人少勇鷙初補禁衛屢立戰功前後中三十六創官至右領軍大將軍卒年八

一十

錢戩

溧陽人居父憂有少年數人來曰而父逋我金數百萬錢戩與之不吝夜有盜入戩知之呼與

一白金使速去終不語人後其子至顯官人以為陰德之證

錢周材

深陽人質重氣和退似不能言七歲能屬文鄉試第一登進士第由大理司直累官刑部

侍郎終龍

國直學士

錢大椿

淳安人穎敏好學登乾道八年進士第累官轉漳浦丞所著不事苛刻有豈弟風秩滿民

惜其去乃

遷縣令

錢昆

字裕之儵之子隨俶歸朝諸從子皆校官獨昆與其弟易願從科舉遂登進士第累遷至三司

度支判官仁宗時知蘆濠泉毫梓壽許七州為治尚寬簡官至右諫議大夫以秘書監致仕卒

年七十六昆善為詩賦

又善草隸有文集十卷

錢彥遠

字子高舉進士知潤州以地震勸帝順天修德且言契丹據山後諸鎮趙元昊盜靈武銀

夏湖廣蠻獠劫掠生民惟陛下念此三方之急講求長久之計以答天戒時旱蝗民乏食即發長平倉以賑之部使者不能阻召為右司諫知諫院會諸路大水彥遠奏陰氣過盛在五行傳下有謀上之象未幾果有扶刃入門者特賜五品服

錢暄

字載陽惟演之子任郎官知開撫台三州有治績除少府監又知鄆州為三司鹽鐵副使時鈞考諸路逋租兩浙轉運使當坐負暄因對從容為言逋租必亟斂恐民不堪惟稍寬乃可集得免出知鄆州除寶文閣待制卒暄素好學皇祐中撰後漢功臣年表藏之秘閣所至不為赫赫名而既去見思十二子康國公景臻尚仁宗女許國大長公主生榮國公忱忱生叅政端禮端

禮孫左丞

相象祖

錢藻

字醇老吳越王元瓘五代孫自和州徙家姑蘇從學胡瑗宋舉進士累官至翰林侍

讀學士封仁和伯藻於書無所不讀為文閎放雋偉為人清謹寡過立朝無矯亢亦

不雷

同

錢象先

字資元蘇州人舉進士累官天章閣侍讀詳定一路敕成當進勲爵仁宗以其母老欲慰之

獨賜紫章服進龍圖閣直學士象先長於經術侍邇英十餘年有所顧問必依經以對反復諷

諭帝禮遇甚渥後歷知許穎

陳三州以禮部侍郎致仕

錢幾

字君憑長興人游心儒術恬淡無求屢徵不起有詩集三卷

錢明逸

字子飛舉才識兼茂科父子三人皆中制科世以為盛嘗任知制誥翰林學士知開封府

後至端明殿學士燕龍圖閣學士復

翰林學士卒贈禮部尚書謚修懿

錢文

字文叔吳越王裔居崇德州錢里第進士尉當塗有捕獲功例得進秩力辭之知萬載縣有異

政趙汝愚薦可大用不果除知循州興學校重風俗愷悌宜民三載報治文為人言溫氣和所

居不蔽風雨饋

粥不給晏如也

錢寢

晉江人性純孝母喪負土成墳結廬居山葦腥不入口形容毀瘠終制方還熙寧中郡守順州

人之請兩聞于朝乞召試權用以

勵風俗嘗著志孝六篇州獻以進

錢蘇

字岳甫以孝義知名居于錢塘門外九里松之間嘗建傑閣藏書甚富蘇軾榜曰錢氏書藏仕

至直秘閣知荆南府墳墓
在靈隱天竺兩山之間

錢公輔

字君倚武進人少從胡瑗學舉進士通判
越州同修起居注英宗即位陳治平十議

後謫滁州團練使神宗立復入知制誥富弼
曰上求治如飢渴王賴君輩同心以濟公輔
曰朝廷所為是天下誰敢不同所為非公輔
欲同之不可得已後與王安石不合出知江

寧府知
揚州

錢顛

字要道無錫人熙寧初為御史裏行上疏忤王
安石貶衢州監稅顛將出臺於坐大罵同時御

史孫昌齡謂其奴事安石求為美官遂拚衣上
馬赴貶所蘇軾送以詩有烏府先生鐵作肝之

句世因號
鐵肝御史

錢通

浦江人徽宗時為御史中丞累工部尚書大觀間以顯謨閣直學士領祠家居築三湖蓄水以利鄉民人多德之

歿贈大中大夫

錢學

歙人與弟警請書尚氣駭宣和中方勝餘寇尚熾學兄弟起鄉兵剿平之建炎三年金人入寇學兄弟引人逆戰敗之

功聞並補承信郎

錢堯卿

字熙載樂清人吳越王七世孫年數歲居父喪如成人廬墓終制遂以孝稱母卒哀

毀過禮水漿三日不入口屏聲色却滋味者三年人以為難閩族同居餘三十年無間言

歲歉捐穀價以濟飢民不能償者焚其券紹興間詔舉孝廉郡以名上未幾卒紹熙中表

其間為孝廉

錢總

文字字穆父元祐初知開封府老吏畏其敏欲困以事導人訴牒至七百總隨即剖決簡

不中理者緘而識之戒無復來閱月一人又至呼詰之曰汝前訴云云啟緘信然上下皆

驚咤

錢埴

字深雲祖億宋乾祐間判明州子孫遂家於鄞埴世居東錢湖之里讀書尚節槩不事侈

靡晚年別築一室植松竹以自況日與同里高友文談論經史得一善則佩服不忘鄉人

敬慕之

錢可則

字正已天台人知睦州二年秋七月浙右大水粟價騰湧可則亟發庫賑之諭俗儲

蓄運糶移檄傍郡弛糶
禁平市價民以全活

錢侯

字惟大紹興二十一年進士授秦州教官入為太學正除宗正簿太府丞宗正丞知袁州除秘

書丞著作佐郎將作少監出為福建路提舉終朝請即卒年六十於書無所不讀尤精於易有

文集五卷諸經講解十卷易說三卷

錢澗

字仲伯海陵人翰林學士總之孫也事親孝家貧而甘旨獨豐母病藥必嘗而進居喪哀毀骨

立悲動隣里廬墓三年誦佛書

錢文卿

樂清人方數歲執父喪如成人時三舍法行文卿方冠領郡學正諸生肅然欽之奉母居

白石山閩族同居三十餘年無間言

錢文季

樂清人為成都漕運判官善屬文義士楊巨源死於非命文季為作哀詞蜀人高之終宗

正少
御

錢惟善

錢塘人寓居華亭詩極精緻

錢良臣

華亭人幼志于學年十九陞太學紹興中舉進士累官至叅知政事德望甚著嘗一新郡

學舊祠

于西廡

錢觀復

字知原紹興間守廣德請于朝寄廩以便民輸民不病勞歲飢輒發常平倉賑之民賴以

生

錢景持

知桃源縣時鍾相犯城景持與鍾力戰遂為所殺事平後贈二官

錢俟

字足碩吳人終福建提舉寡嗜好惟藏書數千卷朱墨精謹皆所親授尤邃於易

錢佃

字仲耕常熟人以進士為分水尉池真二州教授歷官吏部郎中累遷權兵部侍郎出為江西

等路轉運使奏蠲諸路之逋守婺州勸分移粟活口七十餘萬朱熹極稱之佃忠信篤厚根於天性臨政不求赫赫聲恒以字民為先官至中奉大夫秘閣修撰有易解文集等書數十卷

錢中之

淳熙間以直敷文閣為運判修復陳公塘人皆賴其利又嘗建廣惠倉皆仁政之推也

錢之望

字表臣晉陵人少放達喜奇計金主亮入寇以策干虞允文謂敵有內潰之勢允文用其

言亮果有符離之敗關中登進士第為金部郎官知楚州遷關文閣待制

錢孜

嘉禾人淳熙四年為昌化令興舉學校與錢水卞園齊名元凌緯唐山紀事有美政思錢卞之

句

錢應高

溧陽人景定中敵陷建康時故人趙淮宿于其家為敵所執應高聞淮死追之不及乃哀

號投荆溪中而死

錢德謙

字牧仲晉江人褒之孫登慶元二年進士知無錫縣多豪右以法裁之諸司號強項令竟

罷復知華亭縣治益有聲擢諸司料院召為秘書郎遷丞崇政殿說書除知建寧府卒贈朝議

大夫

錢時

字子是號融堂歙縣人徙居淳安之蜀阜幼竒偉不羣讀書不為世儒之習揚慈湖以易潛試

既而絕意科舉究明理學江東提刑袁甫作象山書院招主講席學者興起政事多所裨益其學大抵發明人心論議宏偉指摘痛快聞者皆有得焉授秘閣校勘江東帥屬以歸著書

錢文子

字文季樂清人篤學明經為儒林巨擘入太學月書季考每占高等紹熙壬子以兩優釋

得授職官其後把鹿持節皆以循良介特著稱擢宗正少卿

錢相

字君玉晉陵人嘉定進士端平初以真德秀薦累遷御史右正言有直聲自起居郎入經筵理

宗大書經畬二字賜之官至吏部尚書卒贈少師

錢景臻

官至少師子忱亦至少師宋朝父子建節者十三家景臻父子其一也兄弟建節者七家

錢忱錢恒其一也

錢允文

號竹間從季父融堂先生遊研精義理尤善屬文登咸淳元年進士第歷武岡縣令嚴而

愛敏而不苛權豪有所犯執法不少貸由是強猾飲避姪端宗領鄉薦主嘉定學教有安定遺

風馬

錢端禮

做六世孫祖景臻尚仁宗公主父忱高宗時拜檢校少保嘗御書忠孝之家四字賜之後

封榮國公端禮累官知臨安府嘗建明用楮為幣孝宗朝叅知政事孫象祖嘉定初為左丞相

錢象祖

錢塘人五世祖暄以嘉祐八年知撫州為政平允淳熙十三年象祖繼知撫州修郡學製

祭器出幣賑貧民于祖暄有光郡人祀之于頌僖祠嘉定初拜左丞相

錢益

東筦人刻苦讀書登淳祐元年進士第性剛介不可干以私每言及貪利則奮然怒罵親喪三

年居廬足迹不入寢室既禫當免解赴省或謂之曰至試期則服除矣益曰含喪次而行不能步也乃遲三年赴省試中第歷廬州鹽官經畫鹽局事宜不擾而辦自著嵯局微勞一帙鹽司

聞其政蹟於朝再
調靖江府僉判

明
錢全袞

華亭人通涉書史元末張氏據吳誓不為其
用杜門著書有韻府羣玉板遺續松江府志

錢本中

字文德武進人洪武初以材能薦為知吉水縣
小民為強豪侵奪哨聚山谷間為盜事聞遣

帥調兵剿之本中詣主帥懇告緩兵單騎直抵
其壘示以恩信眾乃歸命活數萬人後調知樂

安以註誤去官吉水胡廣時為學士
奏請復舊任驛召至京仍命知吉水

錢宰

會稽人洪武初國子博士嘗病近代新聲既繁
刻意古調擬漢魏而下諸作及古詩十九首且

各補其未純
者有臨安集

錢貴

海州人洪武中父祖以戰功累陞府軍右衛指
揮使永樂中貴襲職謀畧過人宣德中陞都指

揮食事委管京營操練有法士卒悅服正統中
以外戚陞中軍都督府都督同知為人謙恭小
心不以貴富驕
人卒賜葬祭

錢唐

字惟明象山人長身五立才氣卓越博通經史
元末隱山谷高皇帝登極年將六旬赴京敦陳
王道裁正禮樂授刑部尚書召講堯舜典及大
禹謨陞立而對或糾唐革野之人不知君臣禮
唐正色曰以古聖王之言陳於陛下不跪不為
倨諫宮中不宜指武后圖忤旨待罪午門外至
日仄始賜飯即命宮中撤其圖上一日以孔子
釋奠止令行於曲阜京師天下不必通祀唐上
疏諫曰孔子百王宗師先儒謂仲尼以萬世為
土天下祀孔子如祝聖壽報本之禮不可廢也
令遂止洪武二十三年令儒臣修孟子節文先
是上覽孟子至土芥寇讐之說大拂意謂非臣

子所宜言議欲去其配享詔敢諫者罪以不敬且命金吾射之唐抗疏入諫與觀自隨袒胷當箭曰臣得為孟軻死有餘榮上見其誠懇命太醫院療其箭瘡孟子配享得不廢三年耳曠乞歸後謫壽州卒唐為人秉心如丹故諫諍冒矢石不懼閭衛正學有功孔孟後世仰賴焉

錢達

字伯行吳縣人刻意力學年四十猶無宦情至正間聘為右司都事洪武初選詣太常議禮為人淳厚雅飭稽古考訂雖老不倦篆隸行楷書追古入好處

錢仲益

字舜舉號錦樹山人時名尤著元末舉進士國初為華亭令擢太常博士翰林修撰官至

王府

長史

錢芹

字繼忠直隸吳縣人洪武初辟從中山王北伐建文初薦授戶部司務署行軍斷事入奏事道

病卒猶條兵
事急上執政

錢習禮

名幹以字行吉水人洪武進士累官學士吏部左侍郎謚文肅公孝弟忠信篤於倫誼厚

生送死推財賑濟好古秉禮咸
有矩則文章論議士林宗仰

錢魁

字更生常熟人洪武初詔募召祭幼主文魁撰有云朕之得復吾中國之固有汝之失棄其乃

從所本無稱旨召見欲官之以老
辭後坐事當刑子代之故易名

錢遜

字謙伯性至孝母病侍湯藥久不怠及卒廬墓終喪洪武中膺薦授寧夏水利提舉修河防實

邊餉既還征虜大將軍都督何福奏遜叅侍元
戎督理有大功為一方保障會陝西按察副使
宋理上言遜功不可忘當序進以旌其賢遂拜
孟津知縣益盡心民事坐累謫戍交南復以薦

對策稱旨授文昌主簿避狀貌魁梧言行詳定
夷險一節雖歷變卒能以功名終素工詩有避

齋集二

十卷

錢迪

更生之子性聰明未冠若老成人洪武初父坐
事當刑迪慨然詣執政求以身代所司上其事
許之死時年甫十八更生得優老而終從
孫完感其全祖之孝為立特祠以祀之

錢浩

華亭人宣德間知縣事愷悌文雅抑豪強伸枉
滯斷獄平反皆得其情里胥應役有程度吏莫
敢囑停之者治
為一時之最

錢魚

字文煥鄞人正統丙辰進士授戶科給事陞廣
西叅政潯州老藍寇起以單騎諭平之尋陞湖
廣左布政使服闋補廣西時都御史韓雍征大
藤峽會歲侵以軍餉為憂魚措置得宜上下充

給凡所俘虜尤極詳獻
得活者甚衆力請致仕

錢溥

華亭人天順進士歷官
學士禮部尚書諡文通

錢昌

字允言吳人威儀端重言動不苟人多敬憚其
為詩至老弗倦名著三吳與武功徐有貞學士

錢溥僉憲劉珏大叅祝先生惟清輩
結吟社交所著有未齋集行於世

錢槩

字宗節慈谿人敦本尚行讀書必究大旨不務
枝葉從游者履滿其戶恬於丘壑應選貢司訓

常州大振師模論議必根典常遷定興教諭立
教一如常兩學士多化之槩少孤事母極孝每
先意承順伯氏早世嫁其孤女仲氏
死于溺為恤其孤人以淳德歸之

錢昕

迪孫常熟人成化間知永州事處已嚴介蒞政
精勤平賦役審獄訟作興士類人皆感勵尋陞

叅政去之日士民遮
道送之至今嘆慕

錢山

字靜夫成化丙戌進士拜監察御史陞浙江會
事築海岸以禦民患發廩粟以濟被溺之民活
死者數千陞本司副使持憲得大體以廉介
自持年老致政囊橐蕭然為士林所推重

錢福

字與謙華亭人弘治進
士第一歷官翰林修撰

錢如京

字公溥桐城人弘治進士初授青田令有異
政選監察御史有真御史名歷兩廣提督軍
務右副都御史土官仇殺當事者利用兵京謂
宜招撫兵不刃而地方寧陞刑部尚書端嚴寬

厚平居恂恂不見喜愠色臨大事決大
疑徐出片言動中理道朝野推重之

錢鉞

弘治初任浙江按察使持已廉正御事明決振
肅紀綱敷施德惠尋陞都御史巡撫山東河南

十二年貴苗寇擾公復巡撫貴州選將練兵豐儲緝曼遣裨廉察渠魁巢穴皆捕之一平普安

再平東苗三平西堡公

經畧有道邊塵以寧

錢璣

字廷祐與子弘治己未進士初令潛山繼令青陽皆有惠政歷官廣西副使嘗行部至悟夜夢

裂麻婦持牒哭異之時有王姓者為兄毆殺監

司出其兄其妻刁氏訴姪毆而刁乃死矣翌日

璣鞠繫囚按兄贖年六十而弟方四十謂袁老

毆強壯安得遽死此必姪毆之因悟夢中之婦

乃刁也毆者服辜衆稱神明已而免歸囊

無長物紛華勢利澹如也因自號恬菴云

錢琦

字公良海鹽人正德三年進士授盱眙知縣值流賊入境琦竭力戰守邑賴以全歷任刑部郎

中陞臨江知府德政懋著以守己忤俗調思南尋請老歸教子姪相繼登第義聞著于鄉族卒

年八
十二

錢璠

常熟人由舉人嘉靖十二年令奉化臨民一以忠誠絕無炫飾秋毫不取于民在任六年妻未

嘗自隨士論甚潔之尤留心民瘼惠利久遠戴德彛死建文之難未有表章璠創為之祠扁曰顯忠手製祀文極其激烈尤留心書史以資仕學所著有五經旁註續古文會編詩韻釋義

錢泮

常熟人以叅政家居嘉靖乙卯夏五月倭夷入侵郊堡殘毀泮父棺泮忿之尹王鈇工騎射以功名自喜常手射二首斃之遂有輕敵心值寇自漕湖與在福山者合偵有船十餘謂其弱易與欲微取之泮亦奮欲報其私率其弟前焉鈇繼發三大鋪寇伏不動以二百人誘我泮大呼進所乘四起猝突衆遂亂泮不能整卒殲焉鈇亦為衆所擁矢不得發寇執之亦不屈死

錢紳

字孟書吳人少讀書修行與陳檢討繼連居一時名流各以所能更互辯難後領鄉薦授本府

儒學訓導陞教諭平生無世情與人無唾哇家藏書甚富

錢醇

字鳴叔顯陵衛人其先安吉人嘉靖進士出知江陰性果毅遇事敢為出知江陰時倭夷亂寇

江陰出兵與賊決戰遇害贈光祿少卿

錢木

海鹽人由進士嘉靖二年任威縣令博學有文詞下車道以禮義興教化創名宦鄉賢二祠以崇先哲風後進建洺陽書院置射圃亭以振作士類人文彬彬然矣至于均田糧以平民賦開街渠以便民居必務為久遠之計而不為近圖以是士民孚服且慨文獻之不足徵而威之有志實自木始也後擢官工部主事卒其祠于鄉也以居官清苦稱先令內黃有德政黃人亦入

祠於名

宦云

錢百川

字東之無錫人少豪邁不羈資稟聰慧弱冠學琵琶半日度四十曲人以為神解既長好

讀書不習舉業詞賦宗

陳白沙有寒齋狂稿

錢鯨

字叔鳴慈谿人嘉靖丁未進士任御史奉命出按徽寧自家發程道過倭賊被害贈少卿

錢梗

字世材山陰人嘉靖丙戌進士

田

鴈門微音舜後陳厲公子完字敬仲仕齊號田氏至田和篡齊九代至秦滅項羽時田假田儋田市田榮

田橫田廣

並稱王

周田光

燕人不慕仕進為人智深而勇沈太子丹聞其賢願與之交以圖國事光曰臣聞騏驎盛壯之

時一日而馳千里至其衰老驚馬先之今太子聞光盛壯之時不知臣精已消亡矣因薦荆軻太子曰願先生勿泄也光曰諾出而嘆曰夫為行而使人疑之非節俠也遂自刎以明不言

田贊

楚人嘗衣儒衣而見王王曰先生衣何惡也贊曰有甚于此者夫衣無惡於甲冬則寒夏則熱王好衣人以甲臣竊不取意者為其義耶甲兵折人首刎人腹墮人城郭隳人子女其名尤甚不榮意者為其貴耶苟慮害人人必害之苟慮危人人必危之王無以慮

田單

臨淄人初為臨淄市掾燕伐齊盡降齊城惟莒即墨不下即墨人謂其智立為將軍拒燕單用火牛大敗燕師盡復齊七十餘城迎立襄王於莒封單為安平君

田文

齊人父嬰號靖郭君齊威王公子也相齊二十餘年文亦相齊封萬戶於薛招致天下賢士食

客嘗數千人聲聞
諸侯號孟嘗君

田基

中年人趙簡子屠中年以基不從佛胥之召
欲官之不受乃之楚楚王高其義以為司馬

田子方

公季成謂魏文侯曰田子方雖賢人非有土
之君也君與之齊禮設有賢於子方者有何
以加之文侯曰子方者仁
人也仁人也者國之寶也

田穰苴

田完之苗裔景公與語兵事說之以為將軍
將兵扞燕晉之師尊為大司馬齊威王論古
者司馬兵法附穰苴於其
中因號曰司馬穰苴兵法

田差

晉平公為馳逐之車車成題千金鑑立之於殿
下今羣臣得觀焉田差三過而不一顧平公作
色大怒田差對曰臣聞說天子者以天下說諸
侯者以國說大夫者以官說士者以事說農者

以食說婦姑者以織祭以奢亡紂以淫敗是以不敢顧也平公曰善乃命左右曰去車

田忌

齊將進孫子於威王威王問兵法遂以為師

漢田橫

故齊王榮弟項羽破齊復擊漢橫乃以散兵復收齊城邑立榮子廣為王而相之及廣死橫自立為王漢高帝既立橫與其徒五百餘人入居海島高帝召之乃乘傳詣洛陽未至自剄其徒五百人聞橫死亦皆自殺

田叔

趙郡陘城人仕為漢中守文帝召問公知天下長者乎叔對以孟舒帝曰孟舒守雲中虜入不能守使士卒戰死長者固殺人乎叔曰昔貫高等謀反詔敢有隨趙王張敖者罪三族而孟舒自髡鉗隨趙王是乃所以為長者也帝曰賢哉復召孟舒以為雲中守

田仁

叔子出遊數年以官卒魯以百金祠少子仁不受曰義不以百金傷先人名仁以勇壯為衛將軍舍人數從擊匈奴衛將軍進言仁為郎中至二千石丞相長史

田疇

字子泰無終人董卓之亂疇率宗族及附從者數百人入徐無山中躬耕養親百姓翕然服其威信魏曹操北征署為司空戶曹掾後論功行封疇固諫終不屈文帝即位高疇德義賜其從

孫闕
內侯

田何

淄川人徙杜陵號杜田生明易學著易傳數篇其同郡楊何受易於何元光中徵為大中大夫

田蚡

長陵人好儒術武帝時為太尉與丞相竇嬰推轂趙綰等所言皆聽後封武安侯

田千秋

長陵人為高廟寢即會衛太子為江充所潛敗父之千秋上急變訟太子寃武帝大感台

見而悅之拜為大鴻臚數月遂代劉屈氂為丞
相封富民侯昭帝時年老得乘小車入宮因號

曰車

千秋

田延年

字子賓為河東太守誅鉅豪強姦邪不敢發
大將軍霍光議廢昌邑王莫敢發言延年按

劔叱羣臣即日議決大將軍曰誠然實勇士也
當發大議時震動朝廷光因舉手撫心曰使我

至今

病悖

田真

兄弟三人堂前有紫荆一株茂甚共議破之為
三未幾枯死兄弟曰本同株因分析而推悖况

人兄弟孔懷而可離乎

相感復合荆亦復茂

田强

武陵五溪酋領也王莽欲賜强銅印强有子十
人雄勇過人乃曰吾等漢臣誓不事莽以其三

子將五萬人下屯沅東各築一城烽火相應田子居上城王子居中城倉子居下城

田鳳

字季宗為郎靈帝過其署曰堂堂乎京兆田郎

三田豐

後漢帝時袁紹別駕曹操自東征劉備田豐說紹襲操後紹辭以子疾不許豐舉杖擊地曰夫

遭難遇之機而以嬰兒之病失其會惜哉

田豫

字國讓魏太祖時遷南陽太守先時郡人侯音反衆數千人在山中為羣盜大為郡患前太守

收其黨與五百餘人表奏皆死豫悉見諸繫囚慰喻開其自新之路一時破械遣之諸囚皆叩

頭願自効即相告語羣賊一朝解散郡內清靜

晉田崧

前趙將軍守仇池氏羌楊難敵襲尅之執崧令拜崧瞋目叱曰氏狗吾寧為國家鬼豈可為汝

臣何不速殺我
遂為難敵所殺

南
北
田式

字顯標馮翊人性剛果多武藝拳勇絕人仕周
任渭南太守政尚嚴猛吏民重足而不敢違法

遷本郡太守

請託不行

隋

田德懋

高平人父仁恭開皇初以父軍功賜爵平原
郡公身丁父艱哀毀骨立廬於墓側負土成

塋高祖聞而嘉

之詔表其閭

田翼

養母以孝開皇中母患暴痢翼謂中毒藥遂
親嘗穢惡母終翼一慟而絕妻亦不勝哀而死

鄉人共

厚葬之

唐
田弘正

字安道北平盧龍人為人忠孝畏慎為魏博
節度使封沂國公元和間詔命韓愈撰其先

廟碑
銘

田布

字敦禮弘正子平蔡幾十八戰有功授御史中丞為河陽節度使弘正徙成德軍節度使父子

同日拜命
當時崇之

田神功

南宮人天寶末為縣吏會兵興率眾歸朝以破賊功累遷太子太師且事親至孝謙以待

人嘗寢疾吏為祈禱卒贈司徒弟神玉汴州節度留守

田歸道

使契丹長揖不拜將殺之辭色不撓歸朝決默啜必叛歷夏官侍郎

田牟

大中十三年上以牟嘗鎮徐州有能名復詔為武寧軍節度使代康季榮一方遂安

田志享

蘇吾人號真通子父母亡負土築墓一日捨妻子為黃冠師卜居唐縣之唐巖坐栢樹下

一磨石曰丐食村落暮宿石上每有猛獸巨蛇
直前皆俛首而退里人異之為創觀居焉壽八

終十

田仁會

長安人擢制舉累官左武侯中郎將太宗征
遼東薛延陀以數萬騎掩河內仁會擊敗之

為平州刺史歲旱自暴以祈雨殺大登
民歌之五遷勝州都督轉右衛將軍

田洄

渝州刺史能盡平劇賊誠信
廉潔罷任之日其家甚貧

田遊巖

三原人永徽中隱太白山後入箕山居許由
祠傍自號東隣高宗嘗幸其門召拜崇文館

學士後
聽還山

田頽

合肥人壯果有大志楊行密表為馬步軍
都虞候累官至太保同中書門下平章事

五代田敏

鄆平人少通春秋之學詳明禮樂博涉典墳梁舉進士至周累官工部尚書以太子少保致仕

敏解官歸多醖美酒待賓客親授諸子經子章官至殿中丞

田弘

高平人慷慨有謀畧仕周封鵜陰子累遷驃騎大將軍嘗計平西羌及鳳州叛民每臨陣推鋒

直前身被百餘箭破骨者九後拜大司空少保

田淳

嘉州龍符令孟蜀廣政二十三年以用度不足始鑄鐵錢凡器用瀆鐵為之者置塲權之又遣

使者督諸路累年逋負淳上疏言擾民犯天意聚財損君德語甚切直蜀主不能用淳好談治

亂又累陳朝政得失嘗言王昭遠伊審微韓保正不可用或勸以遜辭取貴仕淳曰大丈夫豈

能附狗鼠以求進哉

宋田重進

幽州人形質奇偉有武功太祖時屢官至靖

難軍節度使為人朴厚太宗在藩邸愛其忠

田錫

字表聖洪雅人錫恭敬好禮既得諫官即上疏

因賜錢五十萬擢右諫議大夫真宗每

田仁朗

大名元城人父武晉昭義軍節度仁朗性沉

厚有謀略頗涉書傳從討李重進征太原皆

田況

有功累官知慶州太宗時知秦定州

所至皆有善政遷右神武軍大將軍

字元均冀州信都人少卓犖有大志舉進士甲

科補江陵府推官夏竦經畧陝西辟為判官言

治邊十四事至和初擢樞密副使以太子少傅

致仕卒謚宣簡况寬厚明敏有文武材與人若

無不可至其所守人亦不能移有奏議二十卷

田京

滄州人舉進士調蜀州司法參軍累遷京西陝西轉運使嘗兩知滄州拜諫議大夫卒京喜議

論為人尚氣節以倜儻聞通兵戰歷筭雜家之術著天人流術通儒子十數書

田瑜

字資忠河南壽安人舉進士歷來郢合三州軍事推官累遷龍圖閣學士歷知青澶州謹厚少文能任劇繁而於吏事尤盡心焉

田景遷

乾德中為珍州刺史上言自給賜珍州郡名以來連遭火災乞改州名太祖從之改為西

高州并鑄五溪都防禦使印以賜之

田闢

字思孟南康人天資篤實嗜學不倦游上庠二十年無所成浩然歸隱號太隱居士子九人各

授一經教法甚嚴登第及特恩者七人時稱義方者必曰田氏

田如鼇

闕弟舉進士丞相呂頤浩一見器重之高宗名問江右盜賊對曰小寇不足慮所憂者西

北耳累官監察御史出知道州民樂其豈弟後加知直秘閣京西轉運副使昆弟如鵠如鵬如

鴻俱登進士第

田疇

莘亭人號興齋嘉定間嘗設講席于國學六館之士皆托北面馬所著有學易蹊徑四書說約

田紹斌

汾州人長興間習戰法其後累以格鬪立功累遷康州團練使

田畫

況從子任為校書郎知西河縣與鄒浩以氣節相激厲後知淮陽軍卒淮陽人祀以為土神

田偉

燕人為江陵尉因家焉作傳古堂藏書五萬七千卷無重複者黃魯直曰吾校中秘書及遍遊

江南文士圖書之
富未有過田氏者

田書

徽宗時知淮陽軍歲大疫月扶醫問病者樂之後遇疾卒淮陽人祀以為土神

田祐恭

思州人生有明識為蕃部長願為王民政和問被召入覲拜伏進退不類遠人徽宗異之

問其故對曰臣客夏大均實教臣上悅厚賜之拜大均保州文學劇賊王闢破歸州將拔瞿塘蜀帥命正卿調田氏兵大敗賊衆保安蜀境璽書嘉勞後田氏世為思州守

田文虎

字炳叔甯慶初登進士第仕至樞密院檢討出知常州居官性極廉介自奉苦淡妻子惟

衣布素死之

日家無餘貲

田渭

字伯清縉雲人舉進士調辰州教授五溪人皆向學自渭始後在朝八年以廉靖自持故舊多

居要路渭耻私附前後奏對十餘疏如固國本
正風俗審機會變役法多當世要務淳熙丁未
除浙東提舉常平直歲大歛渭究心荒政罷苛
歛除民瘼台發處三州戶科茶稅及五等差夫
送迎之擾渭並奏
罷之民賴以安

田祈

貝州清河人十世同居太平興
國三年詔旌其門閭復其家

金田琢

定安人宣宗時歷山東路東西轉運使權知益
都府事時李旺據膠西張聚據棣州李全據安

丘琢督兵征討悉破之
山東諸郡縣賴以保全

元田滋

開封人公正有清德累官浙西廉訪使辦理冤
獄人稱神明官至陝西行中書省參知政事卒

追封開
封郡公

田雄總管京兆等路事時關中苦兵革郡縣蕭然雄披荆棘立官府開陳禍福招徠未降者又教民

力田京兆大治

田仲良

字正卿好學通諸家之言明易學筮卜如神識太保劉秉忠于微時至是因薦于世祖每

有所問悉以正對由太常卿累遷昭文館大學士兼太常卿武宗立進司徒賜銀印延祐四年卒贈太史追封趙國公謚忠獻子天澤翰林侍讀學士知制誥兼修國史

明

田炯

大同人洪武中由太學生歷職勤慎官至吏部左侍郎

田慶

永樂中知泰州在任清慎公勤無私謁為政有條吏不敢欺

田玉

內江人國子生正統中知桐鄉勤恤民隱時閩浙盜起征需繁重玉寬假獎率貧富適宜民用

不匱以艱歸父老上疏乞留服闋仍知桐鄉寬
易言動詳雅持身清謹得上下心遷知池州

田玪

字廷玉奉化人自少警敏家貧力學正統八年
進士授刑部主事持法不阿門無私謁推獻詳
明而濟之以恕所案無寃者尚書魏源多其才
每遇疑事必以委玪玪盡心訊鞫以勤勞致疾
且亟有指揮坐重律以白金五百賄之玪閉門
不納曰吾病且死無愧于心足矣忍以五百金
虧平生乎遂卒家無一錢之蓄自司寇
而下與素所游者皆致賻始克棺殮焉

田賦

字用周甌寧人選刑科給事中奉勅備漕兩淮
尋陞池州府知府改繁調淮安賦善詩文所著
有齊山志紀行錄管鳴集
巡漕集困橫集野樵雜言

田瓊

湖廣松溪人舉人成化四年任揚州教授瓊秉
性剛嚴居常不假人以辭色始莅揚即以師道

自重雖參臺郡貴官惟禮無諂遇諸生恩義區別最明諸生由是奮激砥礪駸駸不懈常愛校

生夏易憫其貧捐已資為娶仍誓誠

同官母索寒士餽儀同官胥畏服

田汝

籽字勤甫祥符人弘治末舉進士授刑科給事中清直不阿正德初上疏薦起尚書韓文當

事者不悅遂遷江西按察司僉事提督學校政

轉湖廣副使理獄訟清屯田修水利事固不飭

前後乞休者三乃得請時年四十五既還力田

養母以經籍自娛所著有周易纂義律呂會通

采對歸田

二集于家

田本

新都人清心苦行博學好古結廬高隱不求聞達年九十無疾而卒

田岳

字景瞻晉江人正德中進士出守寶慶剛方公恕節用愛人均里甲課諸生歲荒作粥療饑多

方脈濟活者甚衆


田汝成

字叔禾錢塘人情性豪宕文藝英發可稱才子嘉靖丙戌進士歷官儀曹兩任學憲其遠

紀等作熤然史筆惜不幸廢棄終其身

田一儔

隆慶戊辰會試一名一甲第三名授編修



萬姓統譜卷二十七

欽定四庫全書

子部

萬姓統譜卷二十八

九

詳校官中書臣徐志晉

主事臣祁韻士覆勘

總校官知縣臣楊懋珩

校對官中書臣王家賓

謄錄監生臣姚元開

欽定四庫全書

萬姓統譜卷二十八

明凌迪知撰

下平聲

一先

邊

隴西假音子姓宋平公守御戎字子邊其後以字為氏又望出陳留金城

漢

邊鳳

字子章陳留人為京兆尹有能名郡人記曰前有趙張三王後有邊延二君

邊韶

字孝先陳留浚儀人授教數百人才思敏絕應口成章嘗畫日假卧弟子私嘲之曰邊孝先腹

便便嬾讀書但欲眠韶潛聞之應時對曰邊為姓孝先字腹便便五經笥但欲眠思經事嘲者

大慙官至尚書令著作東觀
著書頌碑銘書策凡十五篇

邊讓

字文禮善屬文作章華賦多艷麗之詞而終之
以正亦如相如之諷也蔡邕薦於何進曰生唐

虞則元愷之次愷仲尼則顏冉之亞
孔融亦薦其有俊逸才為九江太守

南邊榮

宋參軍司馬沈攸之避殺張敬兒將至榮被執
敬兒曰邊公何為同人作賊榮曰沈荊州舉義

兵匡社稷宋忠臣不可謂之賊敬
兒命斬之榮歡笑而去無異色

唐邊崗

撰景福崇元
錄四十卷

五代邊歸讓

幽州薊人父退思擅州刺史歸讓弱以儒名
仕周歷禮刑兵戶侍郎世宗聞其亮直擢為

尚書右丞樞密直學士宋初以戶
部尚書致仕于定雍熙初進士

邊鎬 仕南唐從查文徽克建州俘獲皆全號邊佛子
克潭州市不易肆號邊菩薩為節度盛修佛事

號邊
和尚

宋邊光範

字子儀陽曲人太祖初年慕容延釗征湖南
以光範權知襄州事餉饋無闕延釗卒復知

襄州王師討蜀出漢上光範復當供億人不知
勞嘗舉本鎮判官李穡為殿中侍御史穡後坐
事左遷光範太子

賓客仍知襄州事

邊珣

鄭縣人曾祖頡祖操皆縣令父蔚太常卿珣晉
天福中進士第宋初為倉部郎中太宗時為廣

南轉運使後拜諫議大夫知開封府卒珣精力
有吏才太宗方欲倚用之及聞其卒數惜數四

邊肅

字穆之有文行宋真宗景德元年寇采厚臣有
聞望者得二十四人召對崇政殿置於臺省館

閣

邊知章

字公望楚丘人崇寧進士通判開德府靖康初金人犯汴或勸知章遁去不從城陷遂死

之

邊珣

字仲寶楚丘人性孝弟與人交有終始在官有能名公卿皆所推重歷任蘇州太守

邊裕

字道夫楚丘人南京留守司御史通習時政歷仕四十餘年所至無不畏服

邊惇德

字公辨裕從子才思敏給以能詩名于瀛濟有學行孫應升特科進士曾孫雲遇寶佑進

士

邊知白

字公式裕子孝友篤實循蹈規矩清虛寡欲號為吉人宣和進士歷戶吏二部侍郎直學

士院嘗使金闕欲寇蜀歌蜀道難以諷敵遂輟西南之役官至吏部尚書開國侯子維石通判

杭州維成朝請大夫

邊景元

字長卿裕世孫端謹力學累世明春秋嘗指堂扁世麟字以示子孫曰此文丞相天祥手

書以美吾祖者子孫可忘之乎開瑞子昌字伯威承開瑞坐不苟談

笑

邊居誼

隨州人初事李夔芝積功至都統制咸淳中守新城能得士心凡戰守具治之皆有法呂

文煥引元兵來攻居誼率舟師拒之嘗誘文煥至城下伏弩亂發中之幾就擒元兵攻城益急

居誼皮力不支自殺事聞贈利州觀察使立廟死所

邊俊

瑀長子
弟倣

邊倣

華州人雍熙元年錢氏納土倣首
為吳縣令墾書獎勞仕至殿中丞

邊蔚

父採為下邳令
蔚為太常卿

邊玕

蔚子自河南尹入為吏部員外郎
與弟瑀為洛陽令兄弟迭尹赤邑

明邊靖

慶郡人由太學生為廣寧經歷自幼以孝聞父
友諒卒靖哀毀幾絕及葬自土成墓廬於側環

植以樹歲早不雨靖旦暮汲水灌之俄有泉湧
出道傍足以灌溉人以為孝感所致事聞詔旌

其門

邊憲

成化進士
兵部尚書

邊蕙

弘治進士
俱任丘人

邊貢

字庭實歷城人弘治丙辰進士授太常博士權
兵科給事中正德初逆瑾用事出知衛輝府尋
改荊州陞河南提學副使累陞南京戶部尚書
貢與北郡李夢陽信陽何景明相友善肆力古
文尤長於詩所著詩
文二十卷藏於家

邊侁

嘉靖進士
任丘人

邊仲

字中父任丘人
嘉靖甲辰進士

權天水徵音 顓帝之後楚武王滅權子孫為
權氏又楚若敖之孫鬬緡尹權以字為氏

漢
權儂

權翼

畧陽人任秦苻堅為給事黃門侍郎與北海王猛太原薛讚並稱王佐之才

南
北
權景宣

字暉遠天水顯親人晚兵權有智畧仕西魏為南陽郡守郡臨敵境舊制發人防守多廢

農業景宣至唯修起城樓多備器械人馬立碑頌德後周時累授荊州刺史爵千金郡公卒諡

曰
恭

權超

天水人為秦州刺史

權會

南齊人少受鄭易詩書禮文義該洽諸儒所推

權襲慶

超子任周為開府與齊戰於并州被圍百餘重力戰矢盡短兵接戰殺傷甚衆刀稍皆折

脫冑擲地向賊大罵曰
何不來斫頭賊遂殺之

權文誕

秦安人仕為上庸太守至荊州大都督卓有聲烈史稱平陽公

隋

權武

字武弄襲慶子以忠臣子起家拜開府武少勁勇力絕人能重甲上馬嘗倒投於井未及泉復

躍而出其勇絕如此以平陳功拜豫州刺史進位大將軍

權景運

守南陽百姓立碑頌德鎮荊州威行南服

唐

權倬

秦州人與席豫蘇源以藝文相友官至羽林軍參軍

權臯

倬子天寶中舉進士為臨清尉安祿山表置幕府臯度其必反因獻俘京師偽稱病卒未幾祿

山果叛玄宗擢拜監察御史後客洪州屢徵不就時仰其高節

權德輿

字載之臯子少以文章稱德宗聞其才召為左補闕累遷禮部尚書同平章事德輿積思

經術無不貫綜雖動止無外飾而醞藉風流自然可慕子璩舉進士歷官鄭州刺史

權達

字達吉元和中為令邑有西湖久廢達去其淤塞決豪家所築堰引方山泉注湖乃復

權璩

德興長子元和進士任監察御史有美稱鄭訓傾覆陰巧肆弄國勢璩同高元裕鄭肅韓頤等

連章劾之因共薦李宗閔為中書舍人璩貶閔州刺史訓誅人多璩明禍福大體能世其家

權萬紀

京兆人擢治書侍御史元齡王珪掌內外官考萬紀劾其不平帝以為不阿貴近由是獎

禮

權懷恩

萬紀族孫擢萬年令賞罰明見惡輒攻時語曰寧飲三斛塵無違權懷恩每盛服妻子不

敢仰視更五州刺史所居威名赫然吏重足立

權若訥

右補闕

宋

權邦彥

字朝美河間人崇寧中上舍登第調滄州教授紹興初累官簽書樞密院事嘗獻十議以

圖中興又言乘機者三尋兼權參知政事有遺稿十卷號瀛海殘編

權安節

字信之九江人知臨江軍時江水啣岸多至傾地節請于朝得緡錢若干重加修飭民甚

之賴

明

權謹

字仲常徐州人十歲喪父哀毀幾絕洪武中以薦知樂安縣陞光祿署丞迎母就養母疾籲天

求以身代母年九十卒躬負土成墳廬墓三年哭泣不輟事聞召拜文華殿大學士辭不稱朝廷不允欲以風勵天下之為人子者尋改通政司右丞議致仕仍旌其門曰孝行

權倫

字民彝謹之子性沉靜學行修明以易經舉永樂丁酉鄉薦養親二十年親終遂隱居教授不復仕進復以壽終于家鄉

邦推重之子宗寧津教授

權經

字卜常高安人
宣德間任同知

權端

遂寧人天
順舉人

權安

正統間任指揮使性儉素而勤於政
理御屬吏嚴而不苛為時名將焉

權用溥

馬平人隆慶間
直隸武進教諭

權

唐
權璿

中書
舍人

明 翟永均

洪熙初任
光祿大夫

燕

始興羽音召公奭封於燕其後
以國為氏又望出上谷范陽

周

燕伋

孔子弟子
贈漁陽伯

漢

燕倉

功臣封
宜城侯

燕瑗

中郎
將

燕廣

發楚王英反
狀封折姦侯

南燕鳳

字子章代人博綜經史明習陰陽識緯魏昭成
待以宿禮拜代王左長史參決國事道武即位

歷行臺

尚書

燕崇

字貴公華陰人性剛嚴有武藝仕周為內侍上士從武帝代齊以功授開府儀同三司

燕子獻

齊右僕射

唐

燕歛融

補闕上書言事
后亂政被殺

宋

燕峻

益都人慷慨任俠楊光遠反時率其屬迎符彥卿遂家曹州子肅

燕肅

字穆之青州人舉進士累官龍圖閣直學士歷知數州有善政知審刑院冤獄盡釋肅性巧嘗

造指南北里鼓于軍及敬器蓮花漏人服其精

燕度

字唐卿曹州人登進士第知陳留縣年饑盜發勸邑豪出粟以濟民又行保伍法以察盜善狀日聞後累官右諫議大夫知潭州度有心計慶歷中三司清權河北鹽度言川陝不禁酒河北

不禁鹽此祖宗制也議遂寢子瑛
靖康初知河陽金兵入寇遇害

燕若冲

元豐中知南陽縣政治清平修陂
堰闢田土比屋殷富歲資豐稔

燕達

字逢辰善騎射以材武選隸親衛宋神宗嘗問
之曰用兵愛克厥威乎曰威非不用也以愛為

先上嘉之官至
武康軍節度使

燕雍

治平十四年以司
農少卿知滁州

金燕寧

初為莒州提控以破紅襖賊功累官山東安撫
副使封東莒公益都府路皆隸焉與蒙古綱等

保全東平以功遷金紫
光祿大夫還天勝戰死

元燕公楠

字國材建昌人十歲能屬文居父喪廬墓元
初同知吉州路世祖召對稱旨命僉江淮行

尚書省事令民墾廢田勸導有方除大司農領
八道勸農營田司事按行郡縣興利除弊後累

遷湖廣行
省右丞

明
燕善

德化人由舉人永樂間授湖廣常德府武陵縣
知縣馭吏以嚴撫民以寬人比古之良吏時入

覲受勅旌異尋
陞太僕寺丞

燕壽

咸寧人成化間知涿水
政平訟理吏不能欺

燕忠

薊州人弘治進士
歷官大理寺卿

燕澄

真定人正
德進士

燕揖

字廷濟真定人
嘉靖戊戌進士

燕義

長洲人嘉靖癸丑進士歷知府

燕好義

翼城人隆慶辛未進士

燕儒官

南陽人嘉靖己未進士

牽

見姓苑望出安平

三國牽招

字子經魏文帝時拜右中郎將次子弘猛毅有父風隨鄧艾伐蜀有功拜振武護軍在綿州築

臺為京觀以彰武功

晉牽秀

字成叔博辨有學弱冠得美名補新安令金谷二十四友秀其一也

牽騰

祖約將

牽弘 隴西太守

全 京北商音

漢全柔 錢塘人 洪靈帝時舉孝廉補尚書右丞 值董卓亂棄官而歸子琮

全彘 丹陽都尉女 為吳主亮后

全範 大史令 著風氣占軍二卷

三全琮 字子璜 錢塘人 父柔 漢末尚書右丞 累官桂陽太守 嘗使琮將米數千斛入吳市 琮悉以賑貧 不

及歸 報柔更奇之 後仕吳 為奮威校尉 領東安太守 治富春 招集流竄 數月得萬餘人 加右大將軍

全端 吳大將

全尚

太常卿

南
北全暉

洛州刺史

全景文

字弘達吳郡人少有氣節任宋為驃騎參軍以功封漢水侯泰始初假節寧朔將軍破東

賊於晉陵後為高平太守累官給事中光祿大夫

全緩

字弘丘錢塘人受易于博士褚仲都篤志研玩得其精微通老莊言梁太清初歷王國侍郎國

子助教兼司議郎專讀詩易入陳累遷諮議參軍

宋
全清夫

紹興人判湖州

全安石

科符登科

明全思誠 華亭人博學能文洪武初以老儒召為文華殿大學士兼左春坊中允勅賜致仕

全智 直隸人正統進士

全宗器 化州人永樂進士

全賜 字厚甫桂林人嘉靖戊戌進士

全元立 字汝禮寧波人嘉靖進士雁官禮部右侍郎

全銓 安吉人洪武中任文淵閣大學士固辭還鄉

泉 本姓全吳全琮之後琮孫暉封高陽侯食封白水改為泉氏望上洛

周泉余滿

南泉仙

字思道豐陽人世雄商洛世襲本縣令仙年十
二鄉人詣州請仙為縣令雖童幼而好學恬靜

百姓安之性又清約在縣五年每
於鄉里運米自給除洛州刺史

泉元禮

少有志氣頗閒州隸有士
君子之風為洛州刺史

泉仲遵

為梁州刺史有方雅之操歷官
之處皆以清白見稱俱仙子

泉暉

仲遵子梁州刺史雖出
自巴夷而有方雅之操

泉企

封公

唐泉獻誠

右衛大將軍

宋泉應醴

永城人弘治中
任平山縣主簿

宣

始平徵音魯大夫宣伯之後以謚為氏

漢宣秉

字巨公雲陽人少修高節王莽徵不至光武初拜御史中丞秉性儉約所得俸祿輒散親族後

拜大司徒子彪仕為郎虎南安侯

宣堯

安南侯

宣隆

諸葛誕主簿諫誕為誕所殺

宣乘

馮翊人

宣鄩

司空靈帝時

宣虞

撰老子始終記一卷

宣明 字南仲長汀人嘗貢辟雍浩然有歸志愛城南五里巖洞築室卜隱郡守謝稠題曰宣巖

晉 宣聘 著通易象論二卷

南 宣壁 奉議郎

宋 宣曾 鄞縣人嘉定中拜參知政事以觀文殿大學士致仕後以嘗預定策功追贈太師謚忠靖

明 宣溫 字序學會稽人少穎悟好學洪武中被召上詢以治道條陳甚悉上問曰漢高祖殺功臣光武

全功臣優劣何如對曰高祖殺功臣功臣自殺光武全功臣功臣自全上悅其言授四川參政

宣仲庸 息縣知縣優於政事凡有科辦必誓於神是以官無墮事民無怨辭尤留心學校勉勵生

徒多底成材

宣信

洪武中都督僉事

宣和

歸安人由辟召任知縣

宣嗣宗

字彥初嘉定人永樂中任中書舍人專書內制時楊文貞公在內閣凡誥勅內句字有不

當意者嗣宗閣筆楊輒為之更定扈從北征勞夙夜性謹密不妄為受知仁廟後丁內艱特詔起復之預脩成祖實錄歷官驗封郎中卒于京邸勅有司歸其喪營葬諭祭于家贈吏部右

侍郎

宣謙

嘉興人天順間以才授福寧知縣

宣最

嘉定人成化舉人任府同知

宣著

錢塘人永樂元年舉人

宣昭

錢塘人永樂六年舉人

宣潔

安平人成化中德化縣丞

連

上黨微音齊大夫連稱之後馮翊白水縣有連氏

周連稱

齊侯使連稱管至父戌瓜時而往及瓜而代公問不至請代弗許

漢連久道

字可久江湖得道之士年十二能詩父見熊曲肱賦漁父詞云蘆花輕逐微瀾蓬窗獨

自清閒一覺遊仙好夢任他竹冷松寒曲肱亦贈以詩且曰此子富貴中留不住後果為羽衣

得道往

來西山

唐連總

字會川閩縣人咸通中及第以賦筆典麗為溫廷筠所稱

連肩吾

著金英玉髓經一十卷

五代連重遇

閩控鶴使

宋連庶

字君錫安州應山人父舜賓好義樂施庶舉進士為壽春令開田千頃一縣大治尋以母老乞

監陳州稅嘗送客出北門慨然有感即日求分司歸久之歐陽修薦其學行屢遷職方員外郎卒

連庠

字元禮庶弟舉進士為宜城令敏於政事號良吏終都司郎中

連南夫

安州人累官廣東轉運使新興飢發廩賑濟全活以萬計弟萬夫補將仕郎建炎中羣賊

犯應山萬夫辛邑人數千保山砦圍三日卒破之萬夫怒厲聲罵賊為所害贈承務郎官其家

人一

連舜賓

字輔之徐州人歲飢出糶萬石捐價糶之惠及隣邑歐公表其墓

連希覺

字民先紹興中知英州先為築陂引水灌田民感其惠號曰連陂

連逢辰

嘉定進士

連德嘉

嘉定進士

連如璧

於潛人咸淳進士

連三益

字叔安安溪人慶元進士知沙縣為政明簡廷無留訟謝却餽例人服其清

連世瑜

樂清人居左源同妻方氏事母至孝母卒刻像奉益恭即守張九成嘗移文體訪其人王

十朋親到其家詢諸比隣咸稱世瑜事亡如存晨昏饋食經今十年孝誠不替九成饋酒禮之

淳熙中世瑜死方氏年踰七十卒其子士表士則供奉益至郡守繼上其事下詔旌表其門閭

元連九鼎

鍾離縣尹六事其備以廉勤稱

明連均

字士平永樂進士福建人授御史歷江西布政使所至皆有能聲歷仕四十年產業未嘗有所

增益人稱其廉

連俊

邠州人剛毅果斷鋤強扶善田地於海而民多儲租乃奏免之宣德癸丑蝗請以菽麥待秋賦

軍不乏給而民便之明年復大校申借常熟官糧萬石以濟之所活者甚衆

連恭

字伯莊任寶慶府通判家世業儒在官亦崇儒術師吏事秩滿歸百姓思之中式時有司為立

折桂坊

連盛

永年人成化進士任御史性剛介方正貴戚斂手正德初逆瑾擅權中外爭以賄賂之盛獨抗直不附瑾怒竄海南子鏞

正德進士歷官都御史

然

鄭穆公子然之後望出山陽

周

然丹

字子草楚右尹

然友

戰國時滕人為滕世子傅滕定公薨世子使之間喪於孟子

然明

鄭大夫

漢然溫

江州人仕為度遼將軍守桂陽長於治民能得其心

明然昌

蔚州人宣德間遠東衛經歷

羊南安

鮮于

氏之俊

漢鮮遂

著太一保生論一卷

三國鮮思明

蜀司空

宋鮮洪範

開封人

鮮符

戎州人登科

鮮大年

灌縣人今綿竹公恕存心不為豪猾所攬凡廢墜前人睥睨不敢為者悉成之

鮮仲文

乾道進士
大道人

明鮮原

馬湖府人永樂初以國子生擢階州知州奉公守法勸民生理有善政後陞山東都轉鹽運使

司同知

鮮騏

宜賓人洪武舉人

鮮延年

棲霞人知順慶府廉靜寡欲事神治民一出于誠盛暑徒跣禱雨築城民不知勞尤加意

學校捐俸飭文廟去
任民懷之祀名宦祠

鮮弘

閬中人醫學正科天順七年寇掠南部府徵弘率民兵禦之道遇賊奮擊死事聞俾子世襲千

戶

鮮榮

四川人成化進士

鮮冕

四川人弘治進士任御史

鮮人同

四川合州人選貢萬曆間直隸宣城縣丞

延

見姓苑望出河南又所地延氏改為延

漢延篤

字叔堅舉人博通經傳能著文章舉廉為平陽侯相到官表龔遂之墓擢用其後桓帝時徵拜

議郎著作東觀稍遷侍中徙京兆尹政用寬仁與邊鳳齊名所著論銘等凡二十篇

延岑

字叔牙南陽人初事公孫述為大司馬後降漢

宋延松年

淳熙九年任蕪湖令

延璽 隆興間知象山縣

明
延祥 大興人 洪武中任河東運使 有善政 遷戶部侍郎

延茂 韓城人 永樂中任御史

延瑁 韓城人 給事中 永樂六年撫安四川

延昌 平定人 永樂舉人

延定之 字主靜 平定人 由舉人成化間任知州 為政聰決 有紀律 豪猾肅然 震風凌雨之餘 必遣人環視祠廟 公署學校 雖一瓦一木 損壞輒修補之 無廢弛焉 州之能吏也

延尚 陽曲人 弘治中任縣知縣

延論

平定州人萬
歷丙子舉人

堅

見姓苑

堅

字子伋襄城人以吏能從光武為偏將軍以功封合肥侯

堅

峻蜀人

宋

堅胡常

乾道三年以右朝散大夫知滁州

明

堅晟

秦州人正德中知博平縣清慎公勤剋革宿弊流賊攻城晟親挑敵率民死守城賴以完民立

忠義碑

記之

弘

江黃道栢之姻
子孫以國為氏

周
弦章

齊景公伐宋登高歎息今臣無管仲章對曰臣聞之水廣則魚大君明則臣忠昔有桓公故有

管仲令桓公在此則車下之臣盡管仲也

弦高

鄭商人遇秦師于滑和以牛十二犒師曰敝邑為從者淹居則具一日之積行則備一夕之衛

且遽告于鄭秦遂不敢襲鄭

弦多

弦施

齊大夫

漢
弦訴

博士

南
弦超

濟北
郡人

明弦尚强枝江人弘治中
墊厓縣主簿

肩見姓

金肩龍字舜卿宣宗初欲殺從坦肩龍上書謂坦有將
帥材願代死詔問汝與從坦交分厚歟肩龍曰

臣知有從坦從坦未嘗識臣從坦寃人
不敢言臣以死保之宣宗感悟赦從坦

明肩固秦和人洪
武中貢士

賢見姓

晉賢政南涼樂都潰諸城皆降
政固守不下守節而亡

明賢宣平涼人洪熙中順
天府鄭村壩大使

年見姓苑

明年富

字大有懷遠人永樂中舉人授訓導召為給事
中歷官戶部尚書謚恭定富剛正朴忠簡言寡
欲遇事直前不顧利害
氣節才識世不易得

馮苑見姓苑

宋馮孝隆

判吉州軍

馮發

嘉熙進士

馮昇新

嘉熙進士

明馮志

石首人宣德
間南豐知縣

鄔高

字時升南昌人賦性耿介立志清苦與人真率無機械明周易正德癸酉領鄉薦拜定安令時

瓊守以入覲常例誅索屬邑高曰剝民以媚人吾弗為也遂得調湖州府學教授子懋卿嘉靖

戊戌進士歷
官刑部侍郎

鄔英芳

枝江人萬曆
間輝縣丞

玄

玄都古諸侯國
子孫以國為氏

周玄俗

河間人
列仙傳

漢玄賀

宕舉人顯宗時為御佐宕渠令第五倫薦于朝後為九江沛二郡太守以清謹著聞終大司農

南
後魏文成
帝玄夫人

北

玄覽

與東陽陳敷公孫
度俱對策為治中

宋

玄滋

紹興十一年
知廣州軍事

明

玄端

遷安人天順中
貢士任知縣

玄寧

順天人嘉靖間
江西金谿縣丞

緜

梓潼晉大夫食
采緜上因氏馬

周

緜駒

齊歌
者

晉

緜思

晉張方以緜
思為腹心

芊

楚姓陸終之
子季連之後

欽定四庫全書

萬世統緒

二十

周 芊戎

昭哀王時人為
將攻楚取新市

隋

芊尹文

芊雄

將軍

明

芊相

六安衛
千戶

芊震

掖縣人弘治中
任安陽縣丞

芊燦

平度州人萬曆間
桂林右衛指揮

千

倉先
切

漢 千獻

蜀郡都尉
見風俗通

明千萬

茂名人正統中
宜山縣典史

拳

芊姓楚鬻
拳之後

周拳彌

衛大夫

偏

右偏將軍之後姓
苑云史偏之後

漢偏呂張

見急
就章

偏倚

大都尉

編

漢編意

潁川人隱論出人
能與鬼神交通

編訢

見後漢律歷志

娟

見姓苑
狂亮切

漢娟淵

老子弟子著書
十三篇楚人

便

平聲望
出魯國

漢便樂成

少府

涓

見姓苑

周涓子

齊人

縣

音懸扶風其先有為縣大夫因以為氏又望出江陵

周縣成 魯人孔子弟子字子棋

漢縣芝 甘陵相

縣黠 中書令

纏 見姓苑平聲

漢纏子 著書藝文志

虔 風俗通云陳晉虔氏黃帝之後

周虔天根 見莊子注云人姓名

仙 見姓苑

宋仙源

長治人 紹定間
知固安縣事

明仙名

河州人 正德中
四川合江知縣

仙時忠

寧國人 萬曆間
嚴州府經歷

圓

見姓苑

明

河南南陽府有圓氏

旃

見姓苑

明旃英

趙州人 宣德中
貢士任教諭

銓

見姓苑

漢
銓徵
捕羌校尉
斬黃巾賊

專

吳郡
商音

漢
專俊

專軾

專智

專同

專
金罍

俱見
印數

縛

周縛諸刺客吳公子光謀殺王僚伏甲於窟而享王使諸進炙魚真劔其中刺之交胸闔閭以為御

淵

周

淵客

鮫人也居水中入市青鮪為常臨去索器泣而出珠以酌主人

淵啾

齊大夫見世本

淵歛

齊大夫

宋

淵豐

仙遊人紹興中循州司馬

明淵澄

蓬州人弘治中任長山縣丞

尚頤史

頤史之後

周 顛項和 神仙傳

顛孫師 陳人即子張孔門弟子才高意廣晚年進德後世追封陳伯進宛丘侯

兼

宋 兼尉丁 元祐中知興寧縣事

穿 見姓苑

周 穿封戌 楚人

鉗

唐 鉗耳 字知命元和中為長興令清介民服其化

騫

閔子騫之後以
皇甫字為氏

漢

騫包

金城人
博士

晉

騫韜

將

騫貍

潁川太守劉興造逆
遣廣武將軍建威

唐

騫味道

武后時為
青州刺史

明

陝西洛南
縣有騫氏

騫昇

隴西人洪武中舉
人蘭縣署教諭事

騫弘

武功人永樂中
任紹興府同知

騫必鑑

隨州人
洪武中
任合浦縣丞

騫聰

遼州人
景泰舉人

騫恭祿

遼州人
天順中
任浙川縣丞

騫

漢
騫楊將

顛

徵音周
臣大顛之後

晉
顛頡將

旋

明 旋善

江都人宣
德貢士

阡

唐

阡能

邛川
牙官

天

苑見姓

漢 天高

長社
令

唐

天文

親軍指
揮使

并

苑見姓

明

駢恭

大名人永樂中
任戶部主事

駢哲

祥符人洪武舉人

河南南陽府有駢氏

前

見姓苑

五代前刺

龍將晉人飛

聯

晉聯譙輔國將軍定國內史

聯譚

吳興內史

關



漢

關典

代將

已

音織出千家
姓并直音

命

音全見
直音

彘

音賢見
直音

業

音說地名見
姓苑并直音

篇

周大夫史
篇之後

仙

音仙見
直音

錢

干 天
音堅 水

隹 音雖 秦士
雅之後

僂 見姓
苑

馬 見姓
苑

煙 見姓
苑

卷 縣名 見
姓 苑

吞 音天 望出 晉陽
或作天者非

鄆 魯附庸國 以國為氏
又去邑為專 又作鱒

川

苑見姓

傳

苑見姓

船

苑見姓

掾

苑見姓

滇

州名見
姓苑

眠

苑見姓

萬姓統譜卷二十八